

ПОЙТАХТ АҲОЛИСИГА ҚУЛАЙЛИК ЯРАТИШ, ЭКОЛОГИЯСИНИ ЯХШИЛАШ ВА СИФАТЛИ БОШҚАРУВ БЎЙИЧА ЯНГИ ЛОЙИҲАЛАР ИШЛАБ ЧИҚИЛАДИ

Президент Шавкат Мирзиёев 16 декабрь куни ижтимоий-иқтисодий ислохотлар жараёнлари билан танишиш ҳамда келгусидаги вазифаларни фаоллар иштирокида белгилаб олиш учун Юнусобод туманига ташриф буюрди.



Давлатимиз раҳбари дастлаб Тошкент шаҳри Юнусобод туманида барпо этилган йирик қувватли когенерация станцияси фаолияти билан танишди.

Пойтахтда аҳоли ва иқтисодиёт объектларини қиш мавсумида иссиқлик энергияси билан барқарор ва узлуксиз таъминлаш мақсадида бир вақтнинг ўзida электр ва иссиқлик ишлаб чиқарадиган бир қатор замонавий когенерация қурилмалари ишга туширилмоқда.

Юнусобод туманидаги 4-иссиқлик маркази ҳудудда давлат-хусусий шериклик асосида барпо этилган, қуввати 100 МВт бўлган мазкур лойиҳа ана шундай муҳим ташаббуслардан биридир.

Хитойнинг “CNTIC” компанияси билан ҳамкорликда амалга оширилган лойиҳа 3,5 гектар майдонда жойлашди. Уни молиялаштириш учун 65 миллион доллар тўғридан тўғри хорижий инвестиция йўналтирилди.

Давлатимиз раҳбари марказнинг иш жараёни билан танишди.

Когенерация иншоотида Буюк Британиянинг “Rolls-Royce” компаниясининг 70 та газ-поршень ускуналари ўрнатилди.

Қозонхоналардан истеъмолчиларгача бўлган иссиқлик таъминоти инфратузилмаси реконструкция қилинди. Иссиқлик магистраллари янгиланди. Тармоқлар изоляцияли

кувурлар билан алмаштирилди. Бу эса турли даражадаги энергия йўқотишларининг олдини олиш имконини беради.

Марказ ишга туширилиши натижасида йилга 876 миллион киловатт-соат электр энергияси ва 858 минг гигакалория иссиқлик энергияси ишлаб чиқарилади. Шу билан бирга, йилга 35 миллион куб метр табиий газ иқтисод қилинади.

Эндиликда пойтахтнинг Юнусобод, Олмасор, Шайхонтоҳур, Мирзо Улуғбек ва Яқкасарой туманларида жойлашган жами 1 минг 846 та объект доимий иссиқлик энергияси билан таъминланади. Уларнинг 1 минг 400 таси аҳоли хонадон, қолган қисми эса ижтимоий соҳа объектларидир. Шунингдек, 292 минг хонадонга электр энергияси барқарор етказиб берилди.

Лойиҳа ишга тушиши билан иссиқлик энергиясини ишлаб чиқариш учун сарфланадиган харажатлар 40-45 фоизга камаяди. Атмосферага чиқадиغان ифлослантирувчи моддалар миқдори сезиларли даражада қисқариб, оқова сув ташланмалари юзага келмайди.

Шу ернинг ўзida Президентимиз куз-қиш мавсумига тайёргарлик бўйича амалга оширилган ишлар ва иссиқлик марказларини ривожлантириш, Тошкент иссиқлик электр

станциясини модернизация қилиш, пойтахтда ободонлаштириш ишларини такомиллаштириш бўйича тақдирлар, шунингдек, аномал совуқ шароитида хизматга жалб этиладиган куч ва воситаларни тақсимлаш юзасидан тақдиротлар билан танишди.

Пойтахтда 11 минг 630 та кўп қаватли уй бор. Уларга 358 та бошқарув сервис компанияси хизмат кўрсатмоқда. Давлатимиз раҳбари уларнинг мавсумга қай даражада шайлиги билан қизиқди.

— Шаҳар шароитида бошқарув сервис компаниялари фаолияти аҳоли ҳаёти билан узвий боғлиқ. Шу боис, улар соат механизмидай аниқ, узлуксиз ишлаши керак. Бунинг учун зарур шарт-шароитлар яратилмоқда. Эндиликда соҳа ходимларининг дунёқараши ва ёндашуви ҳам ўзгариши лозим. Аҳолининг ҳолидан хабар олиш, кўп қаватли уйлarning ертўла ва том қисмларини, йўлаклар ва ўйин майдончаларини тартибли сақлаш зарур, — деди Президент.

Шунингдек, энергетика, ободонлаштириш, қурилиш ва сервис тармоқлари масъулларига мавсум давомида тизимли ва мувофиқлашган ҳолда ишлаш юзасидан тегишли топшириқлар берилди.

Президент Шавкат Мирзиёев Юнусобод туманида жойлашган “Юнусобод галереяси”

савдо, хизмат кўрсатиш ва бизнес марказига ташриф буюрди.

Икки ярим гектар майдонни эгаллаган ушбу йирик мажмуада 53 минг квадрат метрдан зиёд савдо ва тижорат майдонлари ташкил этилган. 14 миллион долларлик хорижий инвестиция ҳисобига қатор хорижий брендлар ўз фаолиятини йўлга қўйган.

Умуман олганда, мажмуада 100 дан ортиқ савдо нуқталари очилиб, 500 га яқин иш ўринлари яратилган. Марказга йилга 2,5 миллион нафаргача ташриф буюрувчи келиши кутилмоқда.

Лойиҳа қиймати 43 миллион доллар бўлган ушбу мажмуанинг архитектура-дизайн ечми жорий йил МДХ давлатлари ўртасида ўтказилган халқаро меъморчилик танловида биринчи ўринни эгаллаган.

Президент шу ерда очилган китоб дўконида нашриётлар вакиллари ҳамда китобхон ёшлар билан суҳбатлашди.

Китоб савдосини ривожлантириш, умуман олганда, муталаа маданиятини болаликдан бошлаб кенг оммалаштиришнинг муҳимлиги, шунингдек, илмий ва бадий адабиётлар нашрини кенгайтириш, бу борада нашриётларни қўллаб-қувватлашга қаратилган чора-тадбирларни ишлаб чиқиш зарурлиги таъкидланди.

Пойтахт фаоллари, нурунийлар ва ёшлар билан самимий суҳбат бўлиб ўтди.

— Барча соҳаларда эришилаётган натижалар, аввало, юртимиздаги тинчлик ва халқимиз ҳамжихатлиги самарасидир. Пойтахтимиз кун сайин обод ва кўркам қиёфа касб этмоқда. Бунинг чет элдан келаётган меҳмонлар ҳам алоҳида эътироф этмоқда. Бирдамликда гап кўп. Унинг илдизи, энг аввало, маҳалларимизда. Адолатли баҳонини ҳам халқнинг ўзи, шу маҳалла беради. Шунинг учун одамларни рози қилишга қаратилган ишларимизни энг қўйин бўғиндан бошладик, — деди Президент.

Марказга ташриф доирасида давлатимиз раҳбарига шу ерда фаолият юритаётган “Unicon-Soft” АТ компанияси фаолияти тақдим этилди.

Мамлакатимизда ахборот технологиялари соҳасида яратилган қўлай шарт-шароит ва имтиёзлар натижасида давлат бошқарувини рақамлаштириш, алоқа инфратузилмасини яхшилаш, АТ таълимини ривожлантириш каби кўплаб йўналишларда миллий дастурий маҳсулот ишлаб чиқарувчиларнинг иштироки изчил кенгайиб бормоқда.

Ўзбекистон Республикаси Президентининг “Маъмурий ислохотлар доирасида рақамли технологиялар соҳасида давлат бошқарувини

самарали ташкил этиш чора-тадбирлари тўғрисида”ги фармонида мувофиқ соҳа, тармоқ ва ҳудудларни рақамли трансформация қилишнинг асосий йўналишлари белгиланган.

Ушбу жараёнга Юнусобод туманида фаолият юритаётган “Unicon-Soft” компанияси ҳам муносиб ҳисса қўшиб келмоқда. 2017 йилда ташкил этилган корхона шу кунга қадар республика бўйлаб 70 дан ортиқ дастурий тизим ишлаб чиққан ва жорий этган.

Компаниянинг барча ҳудудлар ҳамда 208 та туман (шаҳар)ларда ахборот тизимларини жорий қилиш ва техник қўллаб-қувватлаш бўйича филиаллари мавжуд. Уларда 1,5 мингдан ортиқ ходим фаолият юритмоқда, шундан 80 фозини ёшлар ташкил этади.

Айни пайтда “Unicon-Soft” томонидан рақамлаштириш йўналишида дастурий ва техник воситалар ишлаб чиқаришни йўлга қўйиш, божхона фаолиятини рақамлаштириш, шунингдек, “Рақамли маҳалла” платформасини жорий этиш режалаштирилган. Давлатимиз раҳбари компаниянинг ушбу йўналишдаги лойиҳалари тақдироти билан танишди.

➤ Давоми 2-бетда



Ислохот одимлари

ИНСОН КЕЛАЖАГИГА ҚУРИЛАЁТГАН ИШОНЧ

2025 йил ҳам нихоясига етиб бормоқда. Йил якуни дегадана, асарият инсонлар кўз ўнгига ўтган вақтнинг сарҳисоби, ортда қолган кунлар, қилинган ишлар ва чиқарилган ҳулосалар жонланади. Бу паллада инсон табиий равишда атрофга назар ташлайди, ҳаётдаги ўзгаришларни ҳис қилади.

Кеча иқтисодий жиҳатдан қийналиб юрган танишингиз бугун аҳволини яхшилаб, барқарор даромад манбаига эга бўлганини кўрасиз. Йиллар давомида чет элнинг миннатли ошини еб, оиласидан узоқда тирикчилик қилган юртдошингиз эса энди ўз юртида тадбиркорлигини бошлаб, меҳнати билан рўзгорини тиклаётти. Яна кимдир йиллар давомида юрғида олиб юрган, аммо амалга ошмай келган орзуларига етаётганини ҳис қиласиз — уйли, ишли

бўлди, шу тарика келажакка ишончи мустаҳкамланди.

Шунда инсоннинг дили ёришади. Чунки улар энди камбағаллик деган тушунча билан эмас, балки меҳнати, ташаббуси ва иродаси билан юртининг фахри, жамиятнинг юзи сифатида тилга олинаётганини англайсиз. Бу ўзгаришлар рақамларда эмас, балки одамлар тақдиринда намоён бўлаётган тараққиёт манзарасидир.

➤ Давоми 3-бетда

Йил сарҳисоби

Ҳозир саяҳат қилиш бойларгагина хос машғулот ёки йиллаб пул тўплаб, амалга ошириладиган орзу эмас. Исталган киши даромадининг бир қисмини ажратиб, дам олиш, соғлиғини тиклаш, табиат гўзалликларидан баҳра олиш ёки бошқа мақсадда тез-тез саяҳатга отланиши одатий ва оддий ҳолга айланди. Бир йилда камида битта давлатга бориш ҳозир урфда!

ЗАМОНАВИЙ ТЕМИР ЙЎЛЛАР САЙЁҲЛАРНИ ОБОД МАНЗИЛЛАРГА ЧОРЛАМОҚДА




Бу мақтаниш ёки кўз-кўз қилиш учун эмас, шунчаки юртдошларимиз ҳам ишлаганига яраша дам олишни, саяҳатдан завқланишни, фақат моддий орзу-ҳаваслар эмас, балки мароқли ҳордиқ чиқариш учун маблаг ажратишни бошлади. Бир-бирига ҳавас қилиб, “мен ҳам мана шу жойга бормасам бўлмайди”, дейишлар ҳам

яхшиликка, ҳар ҳолда саяҳат қилган одам ютқазмайди, ҳеч бўлмаганда янги манзилни кўриб, таассуротлар олади.

Хуллас, саяҳатнинг фойдали жиҳатлари кўп. Муҳими, юртдошларимизни бунга рағбатлантираётган омиллардан бири фаровонлиқнинг ошиб бораётгани билан боғлиқ бўлса, бошқа томондан, кейинги

йилларда мамлакатимизда сайёҳлик йўналишида яққол кўзга ташланаётган ўзгаришлардир. Яъни ички туризм салохияти ошиб бораётти. Одамлар нафақат хорижий давлатлар, балки юртимиз бўйлаб саяҳат қилишга ҳам қизиқмоқда.

➤ Давоми 4-бетда



Огаҳий издошлари



МИЛЛИЙ АДАБИЁТ — МИЛЛАТ ҚАЛБИ ВА РУҲИАТИ КЎЗГУСИ

Бошланиши 1-бетда

Бўстонлиққача бир қадам

Ўтган йили Самарқандга йўл олганимда илк бор тезорар поездга чиқдим. Гарчи хизмат сафари бўлса-да, ўзимни худди сайёҳдек ҳис қилдим. Поездда бирор олис шаҳарга саёҳат қилишни доим ният қилардим. Худди ўйлаганимдек, бунинг гашти ўзгача экан. Поезд ойнасидан тоғлар, боғлар, хуллас, табиатни томоша қилиб кетарканман, нималарнидир ёзиб, таассуротларимни муҳрагимга келди.

Одатда шундай: транспорт воситаси доим саёҳатнинг бир бўлаги, ҳатто энг асосий қисми бўлади. Кўпчилик саёҳатдан қайтган, самолёт, поезд ёки автомобилдаги таассуротини кўшиб ҳикоя қилади. Шу боис, мамлакатда туризмни ривожлантиришнинг асосий йўналишларидан бири транспорт инфратузилмасини яратиш ва такомиллаштиришдир. Айниқса, замонавий темир йўл тизими ҳозир сайёҳларни қизиқтирадиган муҳим жиҳатлардан. Чунки поездда саёҳат қилиш кўпчиликка ўзгача завқ беради. Қолаверса, бу йўналиш олис манзилларга ҳам арзон, ҳам тез ва хавфсиз етиб олишга хизмат қилади.

2025 йил темир йўл соҳасидаги бир қанча катта ишлар билан ҳам эсда қолмоқда. Хусусан, юртимизнинг сўлим манзиллари томон янги темир йўллар ётқизиلىб, бекатлар ишга туширилди. Замонавий поездларда юртдошларимиз аллақачон маҳаллий йўналишлар бўйлаб саёҳат қилишга.



Хусусан, Тошкент вилоятининг Бўстонлиқ туманига электропоезд ҳам бориш мумкин. Гап шундаки, жорий йил аввали айтиш йўналишида янги темир йўл линияси ҳамда бекати очилиши билан бошланган эди. Аниқроғи, Чинорентгача олиб борадиган янги темир йўл ишга туширилиб, 2025 йил 22 январьда “Чинорент” темир йўл бекати тантанали равишда фойдаланишга топширилди.

Ундан аввалроқ, 2024 йил декабрда Тошкентдан Хўжакентга янги электропоезд қатнови йўлга қўйилган, давлатимиз раҳбари 6 декабрда айтиш шу поездда Хўжакентга борган эди. Орадан қарий 1,5 ой ўтар-ўтмас, Хўжакентдан Чинорентгача 1,5 километрли темир йўл қурилди. Қисқа муддатда 150 метрли перрон ҳамда совбон қурилиб, фойдаланишга топширилди. Шунингдек, имконияти чекланган йўловчилар учун ҳисса плиталари ўрнатилиб, йўловчилар ўтиши учун туннель барпо этилди.

Хуллас, азалдан сўлим табиати билан танилган Бўстонлиқ туманининг ҳозирги замонавий дам олиш манзилларига тез ва хавфсиз етиб олиш учун яна бир қўлай инфратузилма ишга туширилди.

Янги темир йўл линияси қурилганига қадар Чинорентга йўл олган йўловчилар электропоездда “Хўжакент” станциясигача, ундан уёғига автомобилда ўтириб боради. Бу йўловчиларга нуқуллайлик тугдирган. Ҳозир ана шу нуқуллайликлар бартарф этилиб, Тошкентдан йўлга чиққан йўловчи ва сайёҳлар замонавий электропоездда “Чинорент” темир йўл бекатигача етмоқда.



ЗАМОНАВИЙ ТЕМИР ЙЎЛЛАР

САЙЁҲЛАРНИ ОБОД МАНЗИЛЛАРГА ЧОРЛАМОҚДА

Юк ташиш ҳажми ҳам ортади

Маълумотларга кўра, биринчи темир йўл транспортининг пайдо бўлиши тоғ-кон ва металлургия саноати билан боғлиқ бўлиб, XVIII аср охири ва XIX аср бошларига тўғри келади. Айтиш шундаки, давлатимизнинг ривожланиши юк айланиши тузилмасини тубдан ўзгартирган ҳамда темир рудаси, кўмир, қурилиш



Эски бинодан асар ҳам қолмади

Саёҳат ёки бошқа мақсадда олис манзилга борадиган инсон учун қўлайлик ва сифат доим муҳим. Айниқса, транспорт воситаси “кўнмин топадиган” манзил — аэропорт ёки вокзалдаги вазиятлар инсоннинг кайфиятига таъсир кўрсатиши мумкин. Барча қўлайликларга эга, ортқича овозгарчилик ва инсон омилиси иш битиди, электрон хизматлар узоқ кутиб қолиш ва вақт йўқотишнинг олдини олади.


Бугун нафақат замонавий транспорт воситалари ва инфратузилма, балки юқори сифатли хизмат кўрсатиш ҳам туризмни ривожлантириш ҳамда сайёҳларни жалб қилишнинг асосий шартларидан бирига айланган. Юртимиз темир йўл соҳасида бунга катта эътибор қаратилаётган. Яқинда шу йўналишда яна бир йирик лойиҳа амалга оширилди.

Жорий йил 7 декабрда Хоразм вилоятидаги “Ҳазорасп” темир йўл вокзали тантанали равишда фойдаланишга топширилди. Вокзалда бўлганлар ва меҳмонлар бинонинг аввалги кўринишидан асар ҳам қолмагани, ҳозиргиси бутунлай янги кифада, замонавий шартносларга эга экани ҳақида мамнулик билан гапиряпти.

— “Ҳазорасп” темир йўл вокзали ҳудуди ва биноси тўлиқ қайта таъмирланиб, замонавий талабларга мувофиқ янгидан барпо этилди, — дейди “Ўзтемирйўлйўловчи” акциядорлик жамияти “Темир йўл вокзаллари” МЧЖ директори Муроджон Мамаиравов. — Реконструкция ишлари доирасида вокзалнинг асосий биносидида парда деворлари

Ургутга темир йўл тортилиши шунчаки иқтисодий ёки инфратузилмадаги янгилашни эмас, балки одамлар турмуш тарзи, ниятлари рўёби билан боғлиқ масала. Чунки мазкур темир йўл туман аҳли, айниқса, табиркорларнинг бир неча йиллик орузи бўлган. Бу ҳақда катта-кичик давраларда айтилар, аммо маблаг масаласи юзага чиққанда режа ортага сурилиб, орзу орзулигича қолаверган. Бугун Ургутга поезд борганига одамларнинг ўзи ҳам ишона олмапаяпти.

— Жорий йил февралда янги “Самарқанд — Ургут” темир йўл тармоғи қурилиши бошланганида ҳатто айримлар “Бу иш қачон амалга ошадиган, энди яна неча йил кутамиз?” деб унинг яқин орада қуриб битказилишига шубҳа қилганлиги, — дейди меҳнат фахрийси Қуддус Аскарлов. — Лекин ана-мана дегунча, атиги 9 ойда янги темир йўл қурилиб, Ургутга поезд келиб, аҳолининг кўп йиллик орузи ушалди. Давлатимиз раҳбарининг ўзи ушбу темир йўл орқали Ургутга келиб, вокзалда биз — нурунийлар, фаоллар билан учрашиб, барчамизни янги поезд қатнови билан табирикланиш қувончимизни янада оширди.



ЯШИЛЛАНАЁТГАН ЎЗБЕК КИМЁ САНОАТИ

дунё бозорида рақобатбардошликни оширади



Кимё саноати маҳсулотлари экспорти бўйича мамлакатлар орасида Хитой етакчи. Яқинда ушбу фактни ўқиб хайрон қолдим. Бунинг нимаси хайратланарли? Ахир бугун Хитой нафақат кимё саноати маҳсулотларини ишлаб чиқариш ва экспорт қилиш, балки қатор иқтисодий тармоқлар: энергетика, қишлоқ хўжалиги, автомобиль саноати, тўқимачилик соҳасида ҳам тенгсиз-ку, дейишга шойилманг. Аҳамиятлиси, айнан кимё саноати ривож мазкур асосий тармоқларнинг юксалишига ҳам туртки берар экан.

Шу боис, Ўзбекистонда ҳам тармоқ фаолиятини янада жадаллаштириш, ишлаб чиқариш ва экспорт ҳажмини кўтариш борасида янги ташаббус ва лойиҳалар, самардор механизмлар ҳаётга татбиқ этилмоқда. Яқинда Президентимиз кимё саноатида ишлаб чиқариш ва экспортни ошириш ҳамда таннархни пайсаятириш юзасидан тайёрланган тақдирот билан танишди. Йилгишида 2030 йилгача тармоқдаги ишлаб чиқариш ҳажмини камида икки баробар ошириш, минерал ўғитлар ишлаб чиқаришнинг 1,5 баробарга етаклаш ва экспорт қиймати 1 миллиард долларга етказиш режалаштирилгани қайд этилди.

Статистик маълумотларга кўра, 2025 йилнинг январь-октябрь ойларида Ўзбекистонда 865,8 триллион сўмлик саноат маҳсулотлари ишлаб чиқарилган. Шундан улуши энг кўп йўналишлар сирасига озиқ-овқат, ичимликлар ва тамаки маҳсулотлари — 19,3 фоиз, тўқимачилик маҳсулотлари, кийим-кечак, тери ва унга тегишли маҳсулотлар — 15,5 фоиз, машинасозлик ва металл буюмлар (компьютерлар, электрон ва оптик маҳсулотлар, электр ускуналар, автотранспорт воситалари, трейлерлар ва ярим тиркамалар, бошқа транспорт воситалари, бошқа тоифаларга киритилмаган машина ва ускуналар, шунингдек, уларни таъмирлаш ва ўрнатиш



ишлари) — 18,6 фоиз ва кимё маҳсулотлари, резина ва пластмасса буюмлари — 7,1 фоизни ташкил этмоқда. Бундан кўриниб турибдики, кимё маҳсулотлари ишлаб чиқариш ҳажмига кўра, мамлакатимизда етакчи ўринлардан бирини банд қилиб турибди.

Экспертларнинг фикрича, соҳанинг изчил ривожлантирилиши нафақат экспорт салоҳиятини ошириш, балки муҳим кимёвий маҳсулотлар импортига қарамликни камайтиришга хизмат қилади.

2024 йилда глобал кимёвий маҳсулотлар экспорти қиймати 667,2 миллиард долларга етди. Барча экспорт қилувчи мамлакатлар учун экспорт қилинган кимёвий маҳсулотларнинг умумий доллар қиймати беш йил аввалгига нисбатан ўртача 32,7 фоиз ортди.

Бу маълумот соҳада рақобат муҳити кенгайиб бораётганини билдиради. Бундай шароитда янги технологиялардан фойдаланган ҳолда маҳсулот сифатини ошириш, таннархини ҳамёнбop қилиш зарур.

Йилгилишда бу борада муҳим камчилик ва муаммолар санаб ўтилди. Жумладан, кимё саноатидаги йирик корхоналарда базис ишлаб чиқариш қувватлари эскиргани туфайли энергия харажатининг юқорилиги ва рақобатбардошлик пастиги кўрсатиб ўтилди. Масалан, азотли ўғитлар таннархининг 55 фоизгача қисми энергия харажати тўғрисида келмоқда. Соҳада энергия тежамкор технологияларни жорий қилиш ва рақамлаштириш орқали чиқимни кескин қисқартириш зарурлиги кўрсатиб ўтилди.

Айниқса, йилгилишда “яшил” минерал ўғитлар ишлаб чиқариш соҳасига алоҳида тўхталиб ўтилди. 2025 йилда Тошкент, Навоий ва Жиззах вилоятларида “яшил” минерал ўғитлар, цинк тузи, калий ксантогенат, калий сульфати каби юқори қўшилган қийматли маҳсулотлар ишлаб чиқарилмайдиган лойиҳалар ишга туширилди. Ушбу янги маҳсулотлар экспортни оширишни ҳозирдан ҳисоб-китоб қилиш зарурлиги айтилди. Ўзбекистон бу соҳага алоҳида эътибор билан қарамоқда.

Президентимиз ташаббуси билан Саудия Арабистонининг “ACWA Power” компанияси билан ҳамкорликда 2023 йил ноябрда Тошкент вилояти Чирчиқ шаҳрида пойдевори қўйилган лойиҳа жорий йил июнда ишга туширилди. Шу тариқа мамлакатимиз янги саноат

ногиронлиги бўлган шахслар учун инклюзив имкониятлар, кенг ва ёруғ зал, она-бола зали, дам олиш ва ювенил, тиббиёт хоналари, юқори даражада хизмат кўрсатувчи VIP зал, чиптахона мавжуд. Шунингдек, йўловчиларга янада қўлай бўлиши учун электрон маълумот таблицаси ўрнатилиб, электрон чипталарни рўйхатдан ўрнатиш йўлга қўйилган.

Вокзал атрофини ободлаштириш ҳам лойиҳанинг муҳим қисми. Боиси, ҳозирги кунда замонавий шаҳарсозлик талаблари бевосита экологик жиҳатларни уйғунлаштиришни талаб этмоқда. Одамлар бирор манзилга бориб, хизматидан фойдаланар экан, у ерда яшиллик бўлиши лозим. Бу нафақат эстетик жиҳат, балки атроф-муҳит тозаллигини асраш талаблари билан боғлиқ. “Ҳазорасп” темир йўл вокзали ҳам бундан холи эмас. Худуд бўйлаб яшил майдонлар, гулзорлар барпо этилиб, уларни парваришлаш учун замонавий сугориш тизими ўрнатилади.

— Ҳақиқатан, вокзалнинг олдинги ҳолати ниҳоятда эски эди, — дейди “Ҳазорасп” темир йўл вокзали ходими Шахноура Қадимова. — Зарур шароит бўлмаган. Бино ниҳоятда совуқлиги сабаб махсус форманинг ўзига туриб ишлашнинг имкони йўқ эди. Қаранг, ҳозир ташқаридидаги совуқ билинмайди ҳам, бинонинг ичи иссиқ, ёруғ. Йўловчиларга тез ва сифатли хизмат кўрсатаётганимиздан мамнунмиз.

Кутилаётган лойиҳалардан яна бири жорий йил январда қурилиши бошланган “Байтқўрғон — Паркент” электрлаштирилган темир йўл линиясидир. Шу йил бошида давлатимиз раҳбарининг топшириғига кўра Паркентни пойтахт билан боғловчи электрлаштирилган темир йўл қурилишига старт берилганди. Маълумотларга кўра, айтиш пайтда ишлар жадал кетмоқда.

Режа бўйича электрлаштирилган темир йўлнинг умумий узунлиги 24 километрдан иборат бўлади. Лойиҳа доирасида 2 та ажраткиш пункти, 4 та кўприк, 2 та йўл ўтказгичи, 1 та туннель турлидаги йўл ўтказгичи, 78 та сув ўтказкиш иншооти, 7 та автомобиль йўли ва темир йўл кесиммаси қурилиши кўзда тутилган.

Европанинг айрим давлатларида яқин масофадаги манзилларга ҳам темир йўл поездидида борилад экан. Яъни электрлаштирилган поездлар худди метро, автобус сингари асосий ички жамоат транспортидир. Бу худди трамвай каби электр поезднинг хавфсиз, тезкор, арзон ва экологик тоза экани билан боғлиқ бўлса керак. Қолаверса, айрим давлатларнинг аксар шаҳарлари тоғли худудларда жойлашгани боис, у ерларда аҳолининг поездда ҳаракатланиши қўлайроқ, назаримда.

Бизда темир йўл поездлари асосан туризм йўналишида оммалаштирилиши режалаштирилган. Чунки юртимизда табиати гўзал, ҳавоси тоза масканлар бисёр ва бирин-кетин бу жойлар сайёҳлик марказларига айлантирилмоқда. Тошкент вилоятининг Паркент тумани ҳам шулардан бири. Унга олиб борадиган янги электрлаштирилган темир йўл эса маҳаллий ва хорижий сайёҳлар оқимини янада оширади.

Қолаверса, лойиҳа якунига етиб, янги “Байтқўрғон — Паркент” электрлаштирилган темир йўлининг фойдаланишга топширилиши маҳаллий аҳоли учун янги иш ўринлари яратиб, мамлакат туризм соҳасига катта фойда келтиради.

Санжар ЭШМУРодов,
“Янги Ўзбекистон” муҳбири

Долзарб мавзу

СЕЙСМИК ХАВФСИЗЛИК

“

СОҲАГА ИЛМИЙ ВА ТЕХНИК ЁНДАШУВЛАР ЖОРИЙ ЭТИЛАДИ

Бугун жаҳонда талафотли зилзилалар сони ортиб бораётган бир пайтда сейсмик хавфсизликни таъминлаш, соҳани доимий такомиллаштириш, мавжуд ва қурилаётган бино-иншоотларнинг сейсмик мустаҳкамлигини назорат қилиш ҳар қачонгидан ҳам муҳим. Мутахасссларнинг қайд этишича, ҳар йили дунё бўйича 100 мингта яқин зилзила содир бўлади. Бу дегани ўрта ҳисобда ҳар 5 дақиқада бир маротаба ер силкинади. Аксарият зилзилалар сезилмайди. Сўнгги 10 йилда дунёда содир бўлган фалокатли ер силкинишлари оқибатида 900 мингдан зиёд инсон қурбон бўлган, 2,5 миллиондан ортиқ киши жабрланган, умумий иқтисодий зарар қўлами эса 360 миллиард долларни ташкил этган.

Мамлакатимиз ҳам сейсмик фаол ҳудудда жойлашган, тез-тез зилзила содир бўлиб туради. Хусусан, Тошкент, Фарғона, Андижон, Сурхондарё вилоятлари сейсмик хавфи юқори ҳудудлар қаторига киради. Шу сабабли қурилиш стандартларига риоя қилиш ва замонавий сейсмик технологияларни қўллаш жуда муҳим. Сўнгги етти-саккиз йилда Тошкент шаҳрида қурилган осмонўпар бинолар қурилиш ҳақидаги қўллаб-қувватловчи йўққа чиқарди. Аҳолининг уй-жойга талабини қоплаш мақсадида улкан бунёдкорлик ишлари бажарилди ва бу жараён жадал суръатда давом этмоқда. Бироқ сейсмологияга оид талабларга риоя қилиш, қурилиш сифатини таъминлаш ҳамон долзарблигини йўқотмаган. Зеро, қайд этилганидек, Тошкент сейсмик фаол ҳудудда жойлашган.

Сейсмик хавфсизликни таъминлаш, соҳага илгор технология ечимларини жорий қилиш мақсадида **жорий йил 1 декабрь куни Президентимизнинг “Бино ва иншоотларнинг зилзилабардошлиги ва сейсмик хавфсизлигини таъминлашда давлат назорати ва бошқарувини янада такомиллаштириш чора-тадбирлари тўғрисида”ги фармони қабул қилинди.**

Ҳужжат билан бино ва иншоотларнинг зилзилабардошлиги ҳамда сейсмик хавфсизлигини таъминлашда давлат назорати ва бошқарувини янада такомиллаштиришга доир асосий вазифалар белгиланди. Булар кўп квартиралли уй-жойларни инструментал-техник текширувдан ўтказиш ва мониторинг қилишга ихтисослашган лойиҳа ташкилотларини тоифалаш ва рейтингини юритиш, ноқонуний қурилишларнинг олдини олиш, уларни эрта аниқлаш ва бартараф этиш механизмларини такомиллаштириш, объектлар қурилишида зилзилабардошликни таъминлаш бўйича жавобгарликни кучайтириш ва назорат қилиш соҳасидаги коррупциявий омилларни бартараф этишдан иборат.

— Бино ва иншоотларнинг зилзилабардошлиги ҳамда сейсмик хавфсизлигини таъминлашда давлат назорати ҳамда бошқарувини жуда муҳим, — дейди Бош прокуратуранинг бошқарма катта прокурори Фаррух Султонов. — Бу вазифалар фармонда мустаҳкамланди ҳамда қурилиш пудрат ташкилотларининг объектлар қурилишида сейсмик хавфсизликни таъминлаш бўйича жавобгарлиги кучайтирилди. Шунингдек, биноларнинг зилзилабардошлигини таъминлаш, уларни назорат қилиш соҳасидаги коррупциявий омилларни бартараф этиш чоралари белгиланди. Асосийси, ушбу ҳужжат аҳолини сифатли ва мустаҳкам уй-жой билан таъминлаш, айни йўналишдаги камчиликларни бартараф этишга хизмат қилади.

Қурилиш жараёнида кейинги босқичларга рухсат ва хулоса берадиган ташкилотларнинг илмий-техник салоҳиятига кўп нарса боғлиқ.



Маълумотларга кўра, ҳозир мамлакатимизда инструментал-техник текширув ўтказишга лицензия олган 170 та ташкилот мавжуд, аммо уларнинг рейтингни юритилмайдиган. Фармонга мувофиқ, назорат ва мониторинг механизмлари янада такомиллаштирилади. Жумладан, 2026 йил 1 январдан икки ва ундан юқори қаватли барча кўп квартиралли

уй-жойларни инструментал-техник текширувдан ўтказишга ихтисослашган лойиҳа ташкилотларининг рўйхати шакллантирилади. “Шаффоф қурилиш” миллий ахборот тизимида уларнинг рейтингни юритилади. Инструментал-техник текширув хулосаларини тавсиявий мазмунда бериш амалиёти тугатилади.

— Ҳозир 3000 га яқин лойиҳалаш ташкилоти мавжуд, — дейди Қурилиш ва уй-жой коммунал хўжалиги вазирлиги бошқарма бошлиғи ўринбосари Шерзод Одилов. — Айни пайтда инструментал-техник текширувдан ўтказиш бўйича лицензияга эга ташкилотлар салоҳиятини аниқлашнинг имкони йўқ эди. Энди уларнинг алоҳида рейтингни юритилади. Инструментал-техник текширув хулосаларига объектни қайта қуриш ёки реконструкция қилиш бўйича техник-иқтисодий асосланган бўлими киритилади ҳамда ушбу хулосалар мажбурий равишда шаҳарсозлик экспертизадан ўтказилади. Кўп квартиралли уй-жойларни бошқариш органларига кўп квартиралли уй-жойларни визуал ва инструментал-техник текширувдан ўтказиш ишларини ташкил қилиш вазифаси юклатилади. Визуал ва инструментал-техник текширувдан ўтказиш харажати маҳаллий бюджет ҳисобидан қопланади.

Фармонга мувофиқ, сейсмик фаол зоналарда жойлашган объектларни визуал

текширув натижасидан келиб чиқиб, инструментал-техник текширувдан ўтказиш тартиби жорий этилади. Шунингдек, махсус техник шартларнинг мустақил (хусусий) экспертиза ташкилотлари томонидан экспертиза қилиниши тақиқланади. Боиси, мазкур зоналарда жойлашган 10 мингдан ортиқ объект визуал текширувдан ўтказилганда уларнинг 1300 дан ортиғида инструментал-техник текширув ўтказиш зарурати пайдо бўлган.

Бинонинг зилзилабардошлигини таъминлашда икки материал: бетон ва темир асосий аҳамиятга эга. Бироқ уларнинг қандай марказлари қанча миқдорда ишлатилганини ҳаридор билмайди. Бу масъул баҳоловчи ва текширувчи ташкилотларнинг иши. Фармон билан айни мана шу нозик масала бўйича ҳам назорат кучайтирилмоқда.

Хусусан, ҳужжатда белгиланганидек, энди бетон ва пўлат прокати сифати ишлаб чиқаришдан бошлаб юк кўтарувчи конструкция шаклига келгунча қадар бўлган жараёнда тўлиқ мониторинг қилинади. Ишлаб чиқариш ва қурилиш-монтаж жараёнидаги барча босқич “Шаффоф қурилиш” миллий ахборот тизими орқали назоратга олинади. Ёнг муҳими, бетон ва пўлат прокати ишлаб чиқарувчилар ва етказиб бериувчиларнинг рейтингни юритилади.

2024 йил ва жорий йилнинг ўтган даврида 185 та бино ва иншоотга ноқонуний қават қўиш ҳолати аниқланган. Бу ҳолат ҳар қандай одамни ўйлантириши аниқ. Тасаввур қилинг: ҳужжатлаштиришда 5 қаватли деб расмийлаштирилган уйга яна 3-4 қават қўишлиши кўплаб саволларни келтириб чиқаради. Ҳужжат талаблари энди бундай ҳолатларга рухсат бермайди. Яъни қурилиши бошланган кўп квартиралли уй-жойларга қўшимча қават қўиш, баланглигини ошириш учун шаҳарсозлик ҳужжатларини ишлаб чиқиш, тегишли архитектура-шаҳарсозлик кенгашлари томонидан қўриб чиқиш, экспертизадан ва қайта рўйхатдан ўтказиш тақиқланади.

Бундан ташқари, қурилиш ва уй-жой коммунал хўжалиги соҳасида назорат қилиш ҳудудий инспекцияларидан белгиланган тартибда рухсат олмаган ҳолда қурилаётган объектларни ташқи муҳандислик тармоқларига улаш тақиқланади. Бунда энергия таъминоти корхоналарининг ахборот тизимлари “Шаффоф қурилиш” билан “Рақамли ҳукумат”

тизимнинг идоралараро интеграциялашув платформаси орқали интеграция қилинади. Эътибор берсангиз, янги уй-жойлар рекламасида қурилиш сифати, нархлар арзонлигига ургу берилади. Ҳамма уйлар шундай бўлса қани эди. Лекин рақамлар бунга қарши. 2023-2025 йилларда сифатсиз ва ноқонуний қурилишлар сабаб биноларни бузишга қаратилган 30 минг 325 та ижро ҳужжати чиқарилган. Бироқ 13 минг 939 та ҳужжат ижроси мунтазам кечиктириб келинмоқда.

Фармон билан бу масала ҳам ҳал этилади. Хусусан, 2026 йил 1 январдан ноқонуний қурилган объектларни суд тартибда бузиш ҳокимликлар ҳузуридаги “Ягона буюртмачи хизмати” инжиниринг компаниялари томонидан амалга оширилади. Бунда ушбу биноларни бузишга сарфланган харажатлар қурилиш объекти буюртмачиси (ташаббускори)дан қонунчиликда белгиланган тартибда ундирилади. Қурилиш ва уй-жой коммунал хўжалиги вазирлиги томонидан ноқонуний қурилмаган бузириш ишлари нархи ҳар йил учун алоҳида белгиланган бўлади.

Меъёрий-ҳуқуқий ҳужжатга мувофиқ, 2027 йил 1 январга қадр кўп квартиралли турар жой объектларини қуриш учун тайёрланган лойиҳа-смета ҳужжатлари фақат давлат экспертизаси ташкилотлари томонидан экспертизадан ўтказилади. Шунингдек, 2026 йил 1 мартдан бошлаб “Шаффоф қурилиш” тизимида объектларнинг лойиҳа-қидирув, қурилиш-монтаж ва назорат жараёнларида қатнашадиган асосий мутахасссларнинг малакаси, иш тажрибаси, салоҳиятига оид маълумотларни ўзида ақс этирувчи реестр жорий этилади. Объектлар бўйича барча босқичдаги ишлар фақат реестрга киритилган мутахассслар томонидан амалга оширилади.

Энди қурилиш жараёни нафақат объектнинг ўзида, балки фазодан ҳам назорат қилинади. 2026 йил 1 мартдан “Ўзбеккосмос” агентлиги томонидан ҳудудлардаги қурилиш майдонлари устидан доимий кузатув олиб борилади. Бунда космик суратлар ёрдамида аниқланган қурилиш объектлари Қурилиш инспекцияси томонидан камерал назоратдан ўтказилиб, рўйхатдан ўтказилмаган объектлар бўйича текширувлар тайинланади.

— Бугун ноқонуний қурилишлар фақат архитектурага эмас, балки аҳоли хавфсизлигига ҳам жиддий хавф туғдирмоқда, — дейди Қурилиш ва уй-жой коммунал хўжалиги соҳасида назорат инспекцияси бошлиғи ўринбосари Жасур Жабборов. — Янги механизмлар ушбу хатти-ҳаракатларни кескин қисқартиришга хизмат қилади. “Ўзбеккосмос” агентлиги билан ҳамкорликда ноқонуний қурилишлар эрта аниқланади ва бу маълумотлар Кадастр агентлиги ва “Шаффоф қурилиш” тизимига интеграция қилиш орқали тўпланади.

Ҳар бир ҳаридор йиллар давомида йиққан пулига уй ёки отураг жой олар экан, мустаҳкам ва кафолатланган бўлиши, ундан ўзи ва фарзандлари хавфсиз фойдаланишини хоҳлайди. Ҳўш, бу борада талаблар қандай? Амалдаги аксарият шартномаларда кафолат муддати 1 йил этиб белгиланмоқда. Бу қанчалик адолатли?

Бу саволга ҳам фармонда аниқ жавоб бор. Яъни хавф-хатар тоифаси III ва IV тоифа объектларни қуриб, фойдаланишга топширилганда қурувчи томонидан 10 йилдан кам бўлмаган муддатта кафолат берилиши шарт.

Энди қурилган бино фақат қурувчининг кафолати билан қабул қилинади. Ушбу талабларни белгиллашда Япония, АҚШ ва Европа Иттифоқи давлатлари тажрибаси ўрганилиб, ҳисобга олинган.

Давлатимиз раҳбарининг мазкур фармони аҳолини сифатли ва мустаҳкам уй-жой билан таъминлаш, қурилиш соҳасида инфратузилмани ривожлантириш ва соҳага замонавий технологияларни жалб этишга хизмат қилади.

Лутфулла СУВОНОВ,
“Янги Ўзбекистон” мухбири

Бугуннинг гапи

Мамлакатимизда ижтимоий ҳимоя тизимини такомиллаштириш, маиший зўравонликка учраган хотин-қизларни ҳимоя қилиш ва ижтимоий реабилитация қилишни таъминлаш бўйича комплекс чора-тадбирлар амалга оширилмоқда. Тазйиқ ва зўравонликка қарши курашиш борасида қатор норматив-ҳуқуқий ҳужжатлар имзолалиб, ижроси таъминланяпти. Шунингдек, рақамли хизматлар йўлга қўйилиб, ижтимоий ҳимоя марказлари тизими ташкил этилди.

Аёлларга руҳий инқироз ҳолатида тезкор тиббий, психологик ва ижтимоий хизмат кўрсатиш мақсадида шошилинч қабул бўлими мавжуд шифохоналарда бирламчи кўмак хоналари иш бошлади. Уларнинг вояга етмаган фарзандларига ҳам биринчи навбатда тез тиббий ёрдам кўрсатилади. “Инсон” ижтимоий хизматлар марказларида уч кунгача психолог, ҳуқуқшунос ва ижтимоий ҳодим томонидан тегишли ёрдам ва хизматлар тақдим этилади. Хотин-қизларга чуқурлаштирилган реабилитация дастурини ўташ зарур бўлса, улар Аёлларни реабилитация қилиш ва мослаштириш марказига йўналтирилади.

Яқинда мамлакатимиз бўйлаб “Зўравонликка қарши 16 кунлик фаол ҳаракат” халқаро кампанияси ўтказилди. Якуний

тадбир сифатида хотин-қизларга нисбатан зўравонлик ҳолатларига миллий жавоб қайтариш тизимини кучайтиришга қаратилган давра суҳбатига бу борада қилинаётган ишлар ҳақида маълумотлар берилди.

— Ўтказилган сўровномаларда қарийб 30 фоиз аёл ўз ҳуқуқларини билмаслигини айтган. 36 фоизи турмуш ўртоғи томонидан ишлаш ҳуқуқидан маҳрум этилган бўлса-да, буни зўравонлик сифатида қабул қилмаган, — дейди Ижтимоий ҳимоя миллий агентлиги раҳбари Мансурбек Оллоёров. — Шу сабабли келгуси йилдан Колумбия университетининг Ижтимоий иш мактаби билан ҳамкорликда янги платформани ишга туширяпмиз. Бу “Инсон” ижтимоий хизматлар марказларида зўравонликка учраган аёл учун дастлабки

ХОТИН-ҚИЗЛАР ҲУҚУҚЛАРИ ҚАТЪИЙ ҲИМОЯ ОСТИДА



скрининг восита сифатида ишлатилади. Саволларга жавоб бериш орқали шахс зўравонлик остидами-йўқми, шунини аниқлаш имкони бўлади. Тазйиққа учраган ва учрадан деб ҳисоблаган ҳар қандай аёл “Инсон” ижтимоий хизматлар марказларидан психологик, юридик хизматларни олиши имкони бўлади. Огир ҳолатларда реабилитация марказларига жойлаштирилади. Биз зўравонликни нафақат аёллар, балки ижтимоий ҳимояга муҳтож тоифа, кам таъминланган оилалар, болалар, ногиронлиги бўлган шахслар ва кексалар учун ҳам хавф сифатида кўрамиз. Шу боис, янги қонун ҳужжатлари ишлаб чиқилляпти.

Ижтимоий ҳимоя миллий агентлиги, БМТнинг Аҳолишунослик жамғармаси ва Олий Мажлис Сенати ҳамкорлигида Буюк Британия кўмаги билан ташкил этилган юқоридаги тадбирда рақамли муҳитда кузатилаётган зўравонлик турларига оид муаммоларга ҳам алоҳида эътибор қаратилди.

Тадбирнинг муҳим нуқтаси Ўзбекистонда БМТ Аҳолишунослик жамғармасининг глобал “BodyRight” кампанияси расмий ишга туширилиши бўлди. Кампа-

ния ҳар бир хотин-қизнинг онлайн зўравонликдан ҳимояланиш ҳуқуқини илгари суришга қаратилган. БМТ Аҳолишунослик жамғармасининг Ўзбекистондаги ваколат-хонаси раҳбари Нигина Абасзаде Ўзбекистон ушбу бир йиллик кампанияни бошлаш орқали глобал ҳаракатга қўшилиётганини таъкидлади.

Тазйиқ ва зўравонликнинг қайси тури бўлмасин, у инсон ҳаёти учун хавфли. Шундан келиб чиқиб, жабрланган шахслар, бошқа жисмоний ҳамда юридик шахсларнинг тазйиқ ва зўравонлик ҳолати тўғрисидаги мурожаати юзасидан 24 соат ичида хотин-қизлар фаоли ва маҳалладаги профилактика инспектори томонидан тазйиқ ва зўравонликни содир этган шахс билан суҳбат ўтказилади. Ижтимоий ҳодим хотин-қизлар ва уларнинг вояга етмаган фарзандлари ҳолатини дастлабки тарзда баҳолайди. Профилактика инспектори эса ҳимоя орденини расмийлаштирати ҳамда заруратга кўра бирламчи кўмак хоналарига жойлаштириш учун тегишли далолатнома тайёрлашга доир чоралар кўради. Хотин-қизлар ва вояга етмаган фарзандлар розилик асосида бирламчи кўмак хонасига жойлаштирилади.

Тазйиқ ва зўравонликдан жабрланган шахсларга ижтимоий хизматлар кўрсатиш тўлиқ рақамлаштирилиб, жабрланувчиларни тезкор аниқлаш ва ижтимоий хизматларни ўз вақтида ташкил этиш тизими йўлга қўйилгани мақсада мувофиқ,

“Тазйиқ ва зўравонликнинг қайси тури бўлмасин, у инсон ҳаёти учун хавфли. Шундан келиб чиқиб, жабрланган шахслар, бошқа жисмоний ҳамда юридик шахсларнинг тазйиқ ва зўравонлик ҳолати тўғрисидаги мурожаати юзасидан 24 соат ичида хотин-қизлар фаоли ва маҳалладаги профилактика инспектори томонидан тазйиқ ва зўравонликни содир этган шахс билан суҳбат ўтказилади.

Зўравонликка учраганларга хизмат кўрсатиш бўйича янги электрон модуль ишга туширилиб, ҳимоя ордерлари ва жабрланувчиларга доир маълумотлар “Инсон” ижтимоий хизматлар марказларига реал вақт режимида етказиб берилиши таъминланади.

Ижтимоий ҳимоя миллий агентлиги берган маълумотларга кўра, “Инсон” ижтимоий хизматлар марказларига тазйиқ ва зўравонликка учраган хотин-қизларнинг ҳуқуқлари ва қонуний манфаатларини ҳимоя қилиш мақсадида судларга давлат божидан овоз қилинган ҳолда аризалар, шикоятлар ва даъволар киритиш ҳуқуқи берилди. Реабилитация марказларига жойлаштирилган аёлларни касб-хунарга ўқитиш мақсадида Олий Мажлис ҳузуридаги жамоат фонди ҳисобидан 3,8 миллиард сўм ажратилиб, давлат ижтимоий буюртмаси асосида нодавлат ташкилотлар билан ҳамкорликда ўқув курслари йўлга қўйилди. Реабилитация марказларида 5 турдаги (пазандалик, тикувчилик, компьютер саводхонлиги, болалар массажи, аёллар сартароши) ўқув курслари жорий этилиб, 339 аёл ўқув курсларига жалб этилди. 208 аёл даромадли меҳнат билан банд бўлди. Реабилитация марказидан чиқарилган 180 дан зиёд аёлнинг ижтимоийлашуви ҳолати 6 ой давомида мониторинг қилиб борилиши йўлга қўйилди. Натижада 14 та ҳолатда қайта зўравонлик аломатлари эрта аниқланиб, ўз вақтида хотин-қизлар хавфсизлиги таъминланди. Натижалар ижобий бўлса-да, ҳали қилинадиган ишлар кўп. Уларни амалга оширишга ҳисса қўиши ҳаммамнинг инсонийлик бурчи. Зеро, оилалар, маҳаллалар тинч бўлса, ҳаётимиз фаровон, ишларимиз яхши бўлади.

Муножат РАҲИМЖОНОВА,
журналист

